



Broj: 02-38-1378-1/21  
Sarajevo, 20. 12. 2022. godine

**PREDSJEDNIŠTVO BOSNE I HERCEGOVINE**  
gospođa Željka Cvijanović, predsjedavajuća  
gospodin Denis Bećirović, član  
gospodin Željko Komšić, član  
**Maršala Tita 16**  
**71 000 Sarajevo**

PREDSJEDNIŠTVO  
BOSNE I HERCEGOVINE  
SARAJEVO

PRIMLJENO	12	20
Organizaciona jedinica	Klasifikacija oznaka	broj

**PREDMET:** Prijedlog Osnovnog ugovora između Bosne i Hercegovine i Islamske zajednice u Bosni i Hercegovini, **urgencija**, dostavlja se

Poštovana predsjedavajuća i članovi Predsjedništva Bosne i Hercegovine,

Vijeće ministara Bosne i Hercegovine, na 25. sjednici, održanoj 29. septembra 2015. godine, utvrdilo je Prijedlog Osnovnog ugovora između Bosne i Hercegovine i Islamske zajednice u Bosni i Hercegovini, te je naloženo nadležnom Ministarstvu za ljudska prava i izbjeglice Bosne i Hercegovine da isti dostavi Predsjedništvu Bosne i Hercegovine na dalju proceduru. Postupajući po zaključcima Vijeća ministara Bosne i Hercegovine Ministarstvo za ljudska prava i izbjeglice Bosne i Hercegovine je svojim aktom broj: 07-38-1-187-5/15 od 20. oktobra 2015. godine dostavilo Predsjedništvu Bosne i Hercegovine Prijedlog Osnovnog ugovora između Bosne i Hercegovine i Islamske zajednice u Bosni i Hercegovini.

Ovakvo postupanje Vijeća ministara i Ministarstva za ljudska prava i izbjeglice Bosne i Hercegovine je u skladu sa članom 15. Zakona o slobodi vjere i pravnom položaju crkava i vjerskih zajednica u Bosni i Hercegovini („Službeni glasnik BiH“, broj 5/04) kojim je određeno da se pitanja od zajedničkog interesa za Bosnu i Hercegovinu i neku ili više crkava i vjerskih zajednica mogu uređivati i sporazumom koji zaključuje Predsjedništvo BiH, Vijeće ministara, vlade entiteta i crkva, odnosno vjerska zajednica, te ranijom praksom kada su u pitanju druge crkve i vjerske zajednice.

Od momenta dostavljanja ovog ugovora na razmatranje i prihvatanje od strane Predsjedništva Bosne i Hercegovine, nadležno Ministarstvo za ljudska prava i izbjeglice Bosne i Hercegovine nije informisano o njegovom statusu. Obzirom da se radi o vrlo osjetljivom i za javnost interesantnom pitanju više puta smo bili kontaktirani od strane medija da komentarišemo status ovog dokumenta, a u nekoliko navrata ovom Ministarstvu su se obraćali i poslanici/delegati u Parlamentarnoj skupštini Bosne i Hercegovine sa sličnim pitanjima, na koja mi nismo mogli dati odgovor. Ministarstvo za ljudska prava i izbjeglice Bosne i Hercegovine, kao nadležni organ za odnose s crkvama i vjerskim zajednicama također izražava svoj interes za usvajanjem ovog dokumenta, posebno zbog toga što je odnos Bosne i Hercegovine i Svete stolice i Srpske pravoslavne crkve već ranije regulisan dokumentima koji su prošli istu proceduru a prilagođeni su principima i pripisima Srpske pravoslavne vjere i Katoličke vjere.

Naime, Bosna i Hercegovina je ranije potpisala ugovore sa Svetom stolicom i Srpskom pravoslavnom crkvom u Bosni i Hercegovini i to: Temeljni ugovor između Svete Stolice i Bosne i Hercegovine 19. aprila 2006. godine a Osnovni ugovor između Srpske pravoslavne crkve i Bosne i Hercegovine 3. decembra 2007. godine.

www.mhrr.gov.ba; E-mail: kabinet.ministra@mhrr.gov.ba; Tel.: +387 33 202 600; Fax: +387 33 206 140;  
Trg Bosne i Hercegovine br. 1, 71000 Sarajevo



Imajući gornje na umu i odredbe Člana 2. tačke 1. Zakona o slobodi vjere i pravnom položaju crkava i vjerskih zajednica u Bosni i Hercegovini moglo bi se reći da je ovakav odnos Bosne i Hercegovine i njenih institucija diskriminatoran prema Islamskoj vjerskoj zajednici u Bosni i Hercegovini i njenim vjernicima.

Kako bismo zajedno izvršili našu zakonsku obavezu i dokinuli diskriminaciju kojoj je očit izložena Islamska vjerska zajednica i njeni vjernici, a na početku Vašeg mandata, pozivamo Vas da što prije razmotrite Prijedlog Osnovnog ugovora između Bosne i Hercegovine i Islamske zajednice u Bosni i Hercegovini kako bi se isti mogao potpisati, a ova zajednica i njeni vjernici mogli uživati prava njime predviđena..

S poštovanjem,

ZAMJENIK MINISTRA

Dževad Mahmutović

